



Jess Svane
Inatsisartunut ilaasortaq

**Qeqertarsuarimi imermik 938-imik pilersaarummut tunngatillugu § 37-ikkut
apeqquteqaammut nr. 060-imut akissuteqaat**

19-03-2015
Sags nr. SJ-STD-WALI
Dok. nr. 1901884

Inatsisartut suleriaasianni § 37 imm. 1 malillugu Qeqertarsuarimi imermik 938-imik pilersaarummut tunngatillugu Naalakkersuisunut apeqquteqarsimavutit. Apeqqut akisussaaffeqarfinni akissuteqarfigeqqullugu innersuunneqarsimavoq.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.naalakkersuisut.gl

**1. Qeqertarsuarimi imermik pilersaarut pillugu Naalakkersuisut qanoq
malinnaatigaat?**

Akissut:

Inuussutissarsiornermut, Suliffeqarnermut Niuernermullu Naalakkersuisoqarfiup GSW suliffeqarfiillu allat sikumik imermillu atorluanaanissamut akuersissuteqarlutik suliaqartut ingerlaavartumik attaveqarfigisarpai.

**2. Pilersaarummut 938-imut tunngatillugu imermik atorluanaanissamut
atatillugu akuersissut tunniunneqarsimasoq namminersorlutik
oqartussanut utertinneqarsimava?**

Akissut:

Akuersissut Namminersorlutik Oqartussanut utertinneqarsimangilaq. Naalakkersuisoqarfiup ilisimatitsissutigisinnaavaa Sikumik Imermillu tunisassiorneq aamma avammut tuniniaasarneq pillugu inatsimmi § 4 malillugu puilasup ernganik tunisassiornissamut avammullu tuniniaanissamut atorluanaanissamut akuersissut 27. november 2008-mi tunniunneqarsimammat 27. november 2028 tikillugu atuuttussanngorlugu.

**3. Imermik pilersaarummut atatillugu, ingerlajunnaartutummi paasineqarmat,
suliniutit suut pilersaarutaappat?**

Akissut:

Manna tikillugu aningaasaliissutaasimasut qulakkeerniarlugit pilersaarutip ingerlaavartumik ineriartortittuarnissaa suliffeqarfiup sulissutigaa. Taamaalilluni suliffeqarfiup ilisimatitsissutigaa maqitsivimmik nutaamik ikkussuisoqartoq, 2015-imilu 7000 hl-eririk tunisassiornissaq naatsorsuutigineqartoq.

Inussiarnersumik inuulluaqqusillunga
Med venlig hilsen


Vittus Qujaukitsaq